

REPUBLIKA E SHQIPËRISË  
BASHKIA DIBËR  
KËSHILLI BASHKIAK DIBËR

4996

Nr. \_\_\_\_\_ Prot

Peshkopi, më 10/12 2025

**Lënda:** Dërgim vendimi

**Drejtuar:** Prefekti i Qarkut Dibër

Bashkëngjitur po ju dërgojmë për konfirmim Vendimin e Këshillit Bashkiak Dibër Nr. 85


**Datë:** 05.12.2025 si dhe projekt-vendimin nr.09 Datë 19.11.2025

**“ PËR MIRATIMIN E MARRËVESHJES SË BASHKËPUNIMIT “MBI ZBATIMIN E PROGRAMIT PËR NDËRTIMIN E NJË BANESE ME KOSTO TË ULËT NË BASHKINË DIBËR.”**

Duke ju falenderuar për bashkëpunimin.

**Sekretari i Këshillit Bashkiak**

**Hir Elezi**





4996/11/12/25

REPUBLIKA E SHQIPËRISË  
PREFEKTI I QARKUT DIBËR

Nr.1112/1 prot.

Peshkopi, më 11.12.2025

**Lënda:** Për vendimin nr.85, datë 05.12.2025 të Këshillit Bashkiak Dibër.

BASHKISË DIBËR  
KËSHILLIT BASHKIAK DIBËR

DIBËR

Në mbështetje të ligjit nr.107/2016, datë 27.10.2016 “Për Prefektin e Qarkut”, i ndryshuar, neni 16, pas verifikimit për efekt ligjshmërie të vendimit të Këshillit Bashkiak Dibër nr.85, datë 05.12.2025 “Për miratimin e marrëveshjes së bashkëpunimit “Mbi zbatimin e programit për ndërtimin e një banese me kosto të ulët në Bashkinë Dibër”, vendosa:

Miratimin në parim të vendimit objekt verifikimi dhe shqyrtimi në kushtet e zbatimit të legjislacionit aktual që rregullon marrëdhëniet juridike në fushën përkatëse, nën përgjegjësinë direkte administrativo-ligjore të strukturave të posaçme të Bashkisë Dibër që paraqesin për miratim projekt akte të kësaj natyre.

PREFEKTI

Nexhbedin SHEHU





REPUBLIKA E SHQIPËRISË  
BASHKIA DIBËR  
KËSHILLI BASHKIAK DIBËR

VENDIM

Nr. 85 Datë 05 / 12 /2025

**“ PËR MIRATIMIN E MARRËVESHJES SË BASHKËPUNIMIT “MBI ZBATIMIN E PROGRAMIT PËR NDËRTIMIN E NJË BANESE ME KOSTO TË ULËT NË BASHKINË DIBËR.”**

Mëshetur në nenin 8, pika 2, nenin 9, pika 1, nënpika 1.1, shkronjat a dhe b, nenin 24, pika 2, neni 55, pikat 2 dhe 6, Ligjin Nr. 139 / 2015 “ Për vetëqeverisjen vendore”i ndryshuar , Ligjin nr. 22/2018, “Për strehimin Social”, Vendimin nr. 814 datë 03.12.2004, të Këshillit të Ministrave “Për normat e strehimit për familjet që përfitojnë nga programet sociale të strehimit, vendimi nr 574, datë 29.08.2012, të Këshillit të Ministrave për përcaktimin e dokumentacionit që duhet të paraqesë familja për t’u strehuar sipas njërit prej programeve sociale të strehimit, dhe të afateve e të procedurave të miratimit nga organet e qeverisjes vendore, referuar shkresës nr.1843 prot date 06.11.2025 derguar nga Enti Kombëtar i Banesave, Vendimit të keshillit Drejtues nr. 34 datë 31.10.2025, me propozim të Kryetarit të Bashkisë” Këshilli Bashkiak në mbledhjen e datës 05.12.2025 me 23 vota pro, 0 kundër dhe 0 apstenim:

**VENDOSI:**

1. Të miratojë marrëveshjen e bashkëpunimit “Mbi zbatimin e programit për ndërtimin e një banese me kosto të ulët në Bashkinë Diber” sipas draftit bashkëlidhur projekt-vendimit.
2. Autorizohet Kryetari i Bashkisë për nënshkrimin e marrëveshjes.
3. Për zbatimin e këtij vendimi ngarkohet Drejtoria Juridike, Sektori i Administrimit të Pronave dhe Strehimit .
4. Ky vendim hyn në fuqi pas shprehjes për bazueshmëri ligjore nga ana e Institucionit të Prefektit të Qarkut Diber.
5. Vendimi u shpall me datë **05.12.2025**.

Kryetar i Këshillit Bashkiak



*Kujdes  
10-12/2025  
[Signature]*



REPUBLIKA E SHQIPERISE  
BASHKIA DIBER  
DREJTORIA JURIDIKE PROKURIMEVE E PRONAVE

PROJEKT – PROPOZIM  
Nr. 09 date 19 / 11 / 2025  
PËR

“ MIRATIMIN E MARREVEESHJES SE BASHKEPUNIMIT “ MBI ZBATIMIN E  
PROGRAMIT PER NDERTIMIN E NJE BANESE ME KOSTO TE ULET NE  
BASHKINE DIBER ”.

Mbështetur në nenin 8, pika 2, nenin 9, pika 1, nënpika 1.1, shkronjat “a” dhe “b”, nenin 24, pika 2, nenit 55, pikat 2 dhe 6, të ligjit nr. 139/2015. “Për vetëqeverisjen vendore”, ligjit nr. 22/2018. “Për strehimin social”. Vendimin nr. 814, datë 03.12.2004, të Këshillit të Ministrave “Për normat e strehimit për familjet që përfitojnë nga programet sociale të strehimit”, vendimin nr. 574, datë 29.08.2012, të Këshillit të Ministrave “Për përcaktimin e dokumentacionit, që duhet të paraqesë familja për t’u strehuar sipas njërit prej programeve sociale të strehimit, dhe të afateve e të procedurave të miratimit nga organet e qeverisjes vendore”, referuar shkreses nr. 1843 prot date 06.11.2025 derguar nga Enti Kombetar i Banesave, Vendimit te Keshillit Drejtues nr. 34 date 31.10.2025 Kryetari i Bashkisë ne mbledhjen e këshillit bashkiak te dates \_\_\_\_\_, 2025

PROPOZON :


- I. Të miratojë marreveshjen e bashkepunimit “ Mbi zbatimin e programit per ndertimin e nje banese me kosto te ulet ne Bashkine Diber ” sipas draftit bashkelidhur ketij projekt vendimi.
- II. Autorizohet Kryetari i Bashkise per nenshkrimin e marreveshjes.
- III. Ngarkohen Drejtoria e Juridike, Sektori i Administrimit te Pronave dhe Strehimit për zbatimin e këtij vendimi.
- IV. Ky vendim hyn në fuqi sipas përcaktimeve të pikës 6, të nenit 55, të ligjit nr. 139/2015, “Për vetëqeverisjen vendore” dhe pas konfirmimit ligjor nga Institucioni i Prefektit të Qarkut, Diber.

P/Sektorit te Adm. te Pronave  
dhe Strehimit  
Gazmend Miftari

Drejtori Juridik  
Ismet Saraçi

KRYETARI I BASHKISE  
Rahim SPAHIU

Ne mungese dhe me porosi





REPUBLIKA E SHQIPERISE  
BASHKIA DIBER  
DREJTORIA JURIDIKE PROKURIMEVE E PRONAVE


RELACION SHIJEKUES PER PROJEKT – PROPOZIMIN  
PËR


“ MIRATIMIN E MARREVESHJES SE BASHKEPUNIMIT “ MBI ZBATIMIN E  
PROGRAMIT PER NDERTIMIN E NJE BANESE ME KOSTO TE ULET NE  
BASHKINE DIBER ”.


Mbështetur në nenin 8, pika 2, nenin 9, pika 1, nënpika 1.1, shkronjat “a” dhe “b”, nenin 24, pika 2, nenit 55, pikat 2 dhe 6, të ligjit nr. 139/2015, “Për vetëqeverisjen vendore”, ligjit nr. 22/2018, “Për strehimin social”, Vendimin nr. 814, datë 03.12.2004, të Këshillit të Ministrave “Për normat e strehimit për familjet që përfitojnë nga programet sociale të strehimit”, vendimin nr. 574, datë 29.08.2012, të Këshillit të Ministrave “Për përcaktimin e dokumentacionit, që duhet të paraqesë familja për t’u strehuar sipas njërit prej programeve sociale të strehimit, dhe të afateve e të procedurave të miratimit nga organet e qeverisjes vendore”, referuar shkreses nr. 1843 prot date 06.11.2025 derguar nga Entit Kombetar i Banesave, Vendimit te Keshillit Drejtues nr. 34 date 31.10.2025, marreveshja ka per qellim te percaktoje angazhimin e ndersjellte te Entit Kombetar te Banesave dhe te Bashkise Diber, per nje bashkepunim dypalesh ne funksion te percaktimit te fushave, masave dhe menyrave te bashkepunimit, si dhe te sigurimit te mbeshtetjes se nevojshme institucionale nepermjet zbatimit te legjislacionit ne fuqi me piksynimet te percaktuara ne draft marreveshjen bashkelidhur projektit.

Objekti i marreveshjes eshte financimi dhe ndertimi gjate viteve 2025-2029 i nje objekti me 6 kate banimi dhe me nje kat parkimi nentoke. Financimi i objektit do te realizohet nga te ardhurat e vete Entit Kombetare te Banesave. Objekti i banimit klasifikohet ne programin e banesave me kosto te ulet dhe do tu sherbeje per strehimin e familjeve qe kane aplikuar prane Bashkise Diber, per te perfituar banese me kosto te ulet.

Faleminderit per bashkepunimin.

Konceptoi. Xh. Rama 

Pergjegjes. G. Miftari 

Drejtori. I. Saraçi 



4531  
Mbledhja Nr. 10/2025

REPUBLIKA E SHQIPËRISË  
MINISTRIA E EKONOMISË DHE INOVACIONIT  
ENTI KOMBËTAR I BANESAVE  
DREJTORIA JURIDIKE

Nr. 1843 prot

Tiranë, më 06.11.2025

**Lënda:** Përcjellje e draft Marrëveshjes së Bashkëpunimit "Mbi zbatimin e programit për ndërtimin e një banese me kosto të ulët në Bashkinë Dibër", miratuar nga Këshilli Drejtues i EKB-së.

**BASHKISË DIBËR**

Adresa: Bulevardi "Elez Isufi", Peshkopi

Për dijëni:

**DECËS RAJONALE TË EKB-SË DIBËR**

Adresa: Bulevardi "Elez Isufi", Godina e Qarkut Dibër, kati 5, Peshkopi

Në vijim të bashkëpunimit tonë të përbashkët mbi ndërtimin e një godine banimi nga Enti Kombëtar i Banesave në qytetin e Peshkopisë (Bashkia Dibër) për kategorinë e shtresave në nevojë për strehim të këtij komuniteti, nga ana jonë janë kryer procedurat e nevojshme për të miratuar nëpërmjet Këshillit Drejtues të institucionit këtë investim që do të financohet me fondet e vetë EKB-së, si dhe draft marrëveshjen e bashkëpunimit që do të lidhet ndërmjet dy institucioneve tona për këtë qëllim.

Lidhur me këtë, ju vemë në dijeni se kjo draft marrëveshje është shqyrtuar nga Këshilli Drejtues i EKB-së në mbledhjen e zhvilluar në muajin Tetor 2025, i cili me Vendimin Nr.34, prot.1758/2 datë 31.10.2025, ka miratuar këtë draft marrëveshje që do të lidhet ndërmjet institucioneve tona.

Njëkohësisht siç ju kemi vënë në dijeni paraprakisht dhe me shpresën nr.prot.1740/2 datë 17.10.2025, Këshilli Drejtues i EKB-së në pikën 2 të Vendimit Nr.34, prot.1758/2 datë 31.10.2025, ka shfuqizuar Marrëveshjen e Bashkëpunimit me nr.prot.1560/3 datë 27.11.2024 (EKB) dhe nr.prot.4282/1 datë 26.11.2024 (Bashkia Dibër) "Mbi programin për krijimin ose shtimin e fondit publik të banesave sociale si dhe për ndërtimin e banesave me kosto të ulët në Bashkinë Dibër", të miratuar me VKD Nr.46, prot.1493/2 datë 31.10.2024.

Sa më sipër, lutemi të kryhen nga ana juaj hapat dhe procedurat e nevojshme për miratimin e draftit të marrëveshjes nga Këshilli Bashkiak dhe më pas nënshkrimin nga Kryetari i Bashkisë të ekzemplarëve të dërguar nga ana jonë.


Mirëpresim në një kohë sa më të shpejtë dërgimin nga ana juaj të kopjeve të marrëveshjes të nënshkuara nga Kryetari i Bashkisë, për të vazhduar më tej me procedurat për zbatimin e këtij projekti.

Bashkëlidhur do të gjeni, 4 kopje të draft-marrëveshjes së miratuar dhe një fotokopje të Vendimit të Këshillit Drejtues të EKB-së Nr.34, prot.1758/2 datë 31.10.2025.

Ju faleminderit për bashkëpunimin.

DREJTORI I PËRGJITHSHËM

Besim Hysa





REPUBLIKA E SHQIPËRISË  
MINISTRIA E EKONOMISË, KULTURËS DHE INOVACIONIT  
ENTI KOMBËTAR I BANESAVE  
KËSHILLI DREJTUES

Nr. 1758/prot.

Tiranë, më 31.10.2025

V E N D I M

I KËSHILLIT DREJTUES

Nr. 34 datë 30/10/2025

PËR MIRATIMIN E MARRËVESHJES SË BASHKËPUNIMIT "MBI ZBATIMIN E PROGRAMIT PËR NDËRTIMIN E BANESAVE ME KOSTO TË ULËT NË BASHKINË DIBËR

Këshilli Drejtues, në mbledhjen e zhvilluar në ambientet e Ministrisë së Ekonomisë, Kulturës dhe Inovacionit, sipas njoftimit nr.1758 prot, datë 22.10.2025, pas shqyrtimit të materialit të paraqitur nga Drejtori i Përgjithshëm, për miratimin e draft Marrëveshjes së Bashkëpunimit "Mbi zbatimin e programit për ndërtimin e banesave me kosto të ulët në Bashkinë Dibër", i përgatitur nga Drejtoria Juridike, mbështetur në Ligjin nr.7582, datë 13.07.1992 "Për ndërmarrjet shtetërore" i ndryshuar, në Vendimin e Këshillit të Ministrave nr. 198, datë 04.05.1993 "Për krijimin e Entit Kombëtar të Banesave" i ndryshuar, si dhe në shkronjën (f) të nenit 14, të Statutit të EKB-së protokolluar me tonën nr.prot.1177/1 datë 04.10.2024:

V E N D O S I:

1. Të miratojë Marrëveshjen e Bashkëpunimit "Mbi zbatimin e programit për ndërtimin e banesave me kosto të ulët në Bashkinë Dibër", sipas draftit bashkëlidhur këtij vendimi.
2. Të shfuqizojë Marrëveshjen e Bashkëpunimit me nr. prot.1560/3 datë 27.11.2024 (EKB) dhe nr.prot.4282/1 datë 26.11.2024 (Bashkia Dibër) "Mbi programin për krijimin ose shtimin e fondit publik të banesave sociale si dhe për ndërtimin e banesave me kosto të ulët në Bashkinë Dibër", të miratuar me Vendimin e Këshillit Drejtues Nr.46, prot.1493/2 datë 31.10.2024.
3. Ngarkohet Drejtoria e Përgjithshme e EKB-së për zbatimin e këtij vendimi.

Ky vendim hyn në fuqi menjëherë.

KRYETAR I KËSHILLIT DREJTUES

Enkelejd Musabelliu





REPUBLIKA E SHQIPËRISE

## ENTI KOMBËTAR I BANESAVE

Nr. \_\_\_\_\_ prot. datë \_\_\_\_ / \_\_\_\_ / 2025

(Selia: Rruga e Kavajës, ndërtesa Nr.80, hyrja 1,  
sheshi kati 5 (ish shtëpia botuese "Naim Frashëri" Tiranë)

## BASHKIA DIBËR

Nr. \_\_\_\_\_ prot. datë \_\_\_\_ / \_\_\_\_ / 2025

(Selia: Bulevardi "Elez Isufi", Dibër)

### MARRËVESHJE BASHKËPUNIMI

#### MBI ZBATIMIN E PROGRAMIT PËR NDËRTIMIN E BANESAVE ME KOSTO TË ULËT NË BASHKINË DIBËR

Mbështetur në Ligjin nr. 139/2015 "Për vetëqeverisjen vendore" i ndryshuar, Ligjin nr.22/2018 "Për Strehimin Social" i ndryshuar, si dhe në përputhje me Vendimin Nr.198 datë 4.05.1993 të Këshillit të Ministrave "Për krijimin e Entit Kombëtar të Banesave" i ndryshuar:

*Lidhet kjo marrëveshje bashkëpunimi, ndërmjet palëve:*

- Enti Kombëtar i Banesave, përfaqësuar nga Drejtori i Përgjithshëm, Z. Besmir Hysa;  
dhe
- Bashkia e qytetit Dibër, përfaqësuar nga Kryetari i Bashkisë, Z. Rahim Spahiu.

#### Neni 1

#### Qëllimi i marrëveshjes

1. Qëllimi i marrëveshjes është të përcaktojë angazhimin e ndërsjellë të Entit Kombëtar të Banesave dhe të Bashkisë Dibër, për një bashkëpunim dypalësh në funksion të përcaktimit të fushave, masave dhe mënyrave të bashkëpunimit, si dhe të sigurimit të mbështetjes së nevojshme institucionale nëpërmjet zbatimit të legjislacionit të fuqi me pikësynimin:

- a) për të kontribuar në përmbushjen e objektivave të Qeverisë për politikën sociale të strehimit, si një nga prioritetet e saj;

- b) për të adresuar problemet e strehimit për shtresat të cilat nuk mund të përballojnë dot çmimet e banesave në tregun e lirë;
- c) për të realizuar ndërtimin e një banese me kosto të ulët dhe efikasitet energjie;
- d) për të miratuar në parim, vazhdimin e bashkëpunimit në fushën e strehimit, duke eksploruar bashkërisht forma e rrugë të tjera ligjore.

## Neni 2

### Objekti dhe Kushtet e marrëveshjes

1. Objekt i akt-marrëveshjes është financimi dhe ndërtimi gjatë viteve 2025-2029 i një objekti me 6 kate banimi dhe me një kat parkimi nëntokë.
2. Financimi i objektit do të realizohet nga të ardhurat e vetë Entit Kombëtar të Banesave.
3. Objekti i banimit klasifikohet në programin e banesave me kosto të ulët dhe do të shërbejë për strehimin e familjeve që kanë aplikuar pranë Bashkisë Dibër, për të përfituar banesë me kosto të ulët.

## Neni 3

### Angazhimet, detyrimet dhe përgjegjësitë e palëve

1. Palët e kësaj marrëveshje angazhohen:
  - Të bashkëpunojnë me vullnet të lirë dhe në mënyrë konstruktive në drejtim përmbushjes së qëllimit të kësaj marrëveshje, në përputhje me legjislacionin shqiptar në fuqi;
  - Në çdo rast, kur është e mundur, të publikojnë vlerat dhe kontributet e njëra-tjetrës në këtë projekt të përbashkët.
2. Enti Kombëtar i Banesave, si palë e kësaj marrëveshje, merr përsipër:
  - a) të realizojë financimin e plotë të një banese ku përfshihen: projektimi, ndërtimi, mbikqyrja, kolaudimi dhe regjistrimi i pasurisë në emër të Entit Kombëtar të Banesave;
  - b) të vendosë në dispozicion të Bashkisë Dibër të dhënat teknike-ekonomike të banesës (strukturat, sipërfaqet, çmimet e apartamenteve, etj), si dhe kritere të tjera paraprake që konsiderohen të domosdoshme nga EKB (psh. minimumin e të ardhurave që duhet të ketë familja përfituese etj.), në funksion të përzgjedhjes, hartimit dhe miratimit të listave të familjeve përfituese nëpërmjet Këshillit Bashkiak.
3. Bashkia Dibër, si palë e kësaj marrëveshje merr përsipër:
  - a) Të vërë në dispozicion të projektit:
    - truallin ku do të ndërtohet objekti i banimit me sipërfaqje 1080 m<sup>2</sup>, të ndodhur në Zonën Kadastrale 2932, me nr.pasurie 7/107, në Dibër, të lirë fizikishi dhe juridikisht/ligjërish, nëpërmjet kontratës së dhurimit për dhurimin e truallit në favor të EKB-së.
    - dokumentacionin tekniko-ligjor (çertifikatën për vërtetim pronësie të lirë nga çdo kufizim, barrë hipotekore, etj..) që disponohet për truallin ku do të ndërtohet;

b) të vëre në dispozicion të EKB-së lejen përkatëse të zhvillimit dhe ndërtimit për objektin e banimit, brenda afatit ligjor nga momenti i aplikimit online nga EKB për këtë objekt, të pajisur me studim;

c) të eliminojë pagesën e taksës mbi infrastrukturën me Vendim nga Këshilli Bashkiak;

d) të investojë për sistemimin dhe infrastrukturën e zonës, duke përfshirë edhe rjetin inxhinierik;

e) të sigurojë brenda një afati 2 (dy) mujor nga data e njoftimit/kërkesës nga Enti Kombëtar i Banesave (referuar nën 73, pika 2/a të Ligjit Nr.22/2018, ndryshuar), sipas kritereve të negociuara mes palëve, listën e familjeve përfituese të këtij programi, të miratuar nga Këshilli Bashkiak Dibër ku të jenë specifikuar për çdo familje: pallati, kati, numri i apartamentit, struktura, sipërfaqja respektive dhe statusi i familjes nëse ka në përbërje persona PAK.

f) të garantojë EKB-në se do të përgjigjet për çdo detyrim ndaj palëve të treta të cilat kanë dhe/ose mund të ngronë pretendime për truallin që vendoset në dispozicion për realizimin e këtij investimi.

4. Palët bien dakord që:

a) Ndarja e apartamenteve të banimit, për familjet që do të përfitojnë strehim nga ky investim, do të bëhet me vendim të Këshillit Bashkiak Dibër, sipas kushteve dhe kritereve të përcaktuara nga Enti Kombëtar i Banesave, konform legjislacionit në fuqi.

b) Mënyra e shitjes së apartamenteve do të realizohet duke zbatuar një nga mënyrat e miratuara me Vendimin e Këshillit Drejtues të Entit Kombëtar të Banesave, mbështetur në legjislacionin në fuqi.

#### Neni 4

##### Vlefshmëria dhe zbatimi i marrëveshjes

Kjo marrëveshje është e vlefshme për një periudhë 4 (katër) vjeçare nga momenti i nënshkrimit të saj nga palët. Vlefshmëria e marrëveshjes mund të zgjatet me mirëkuptimin dhe vullnetin e palëve, kur këta të fundit nuk i kanë përmbushur detyrimet e tyre në kohë. Marrëveshja mund të rishikohet dhe të ndryshojë vetëm me shkrim dhe me nënshkrimin e të dy palëve.

Palët duhet të bëjnë çdo përpjekje për zgjidhjen e mosmarrëveshjeve mes tyre me negociata direkte dhe me mirëkuptim. Në rast të kundërt, mosmarrëveshjet do të zgjidhen sipas procedurave juridike ligjore në fuqi, bazuar në legjislacionin e Republikës së Shqipërisë.

#### Neni 5

##### Bashkërendimi i marrëveshjes

Palët bien dakord të përcaktojnë një/disa përfaqësues si pikë kontakti për secilën palë me qëllim bashkërendimin e punës në praktikë. Këta përfaqësues do të kenë kontakte direkte me institucionet respektive.

Pikat e kontaktit duhet të mbajnë të informuar në çdo kohë titullarin e palës përkatëse mbi ecurinë e zbatimit të marrëveshjes.

Neni 6

Nënshkrimi dhe hyrja në fuqi

Kjo marrëveshje hartohet në 4 (katër) kopje origjinale në gjuhën shqipe:

- dy kopje për Drejtorinë e Përgjithshme të Entit Kombëtar të Banesave;
- dy kopje për Bashkinë e Qytetit Dibër

Kjo marrëveshje hyn në fuqi pasi të jetë miratuar paraprakisht me vendimarrje nga Këshilli Drejtues i EKB-së dhe nga Këshilli Bashkiak i Njesisë së Vetëqeverisjes Vendore, si dhe më pas me nënshkrimin e saj nga palët përkatëse (Drejtori i Përgjithshëm i EKB-së dhe Kryetari i Bashkisë).

PËR

ENTIN KOMBËTAR TË BANESAVE

DREJTOR I PËRGJITHSHËM

Besmir Hysa

PËR

BASHKINË DIBËR

KRYETAR

Rahim Spahiu